

ABERRIAREN MUGAK ABERRIA

AGURE ZAHARRA AGURE

AITA SEMEAK AITASEMEAK

ALDAPEKO ETA SUA AMAITZEAN ALDAPEKO

ARREN EZ BEDI ARREN

BAGARE BAGARE

BAKE MINA BAKE

BALE IHIZI BALE

BARATZE BAT BARATZE

BI URTXOEN KANTA BIURTXOEN

DE CAP TA DECAP

EKI EDER EKIEDER

EPERRA EPERRA

EUSKAL HERRIA ZUZENEAN AROSAKO

EUSKAL HERRIAN EUSKARAZ EHEZ

GOGOAREN BAITAN GOGOAREN

GOIZEAN GOIZ JEIKIRIK GOIZEAN

GORA TA GORA BETI GORATAGORA

HEMERETZI MENDE HEMERETZI

IDUZKI DENEAN IDUZKI

IKUSTEN DUZU GOIZEAN IKUSTEN

JOSEBA ELOSEGI JOSEBA

KONPOSTELAKO KONPOSTELAKO

LARROSA KOLOREZ

LAU TEILATU LAUTEILATU

LILI BAT LILIBAT

LORETXOA LORETXOA

MAITE ZAITUT MAITEZAITUT

MAITEAK GALDEGIN MAITEAK

NEVADAKO MENDIETAN NEVADAKO

NEVADARAT NEVADARAT

NON GERATZEN DEN NONGERATZEN

OI GU HEMEN OIGUHEMEN

OI KANTA BERRI OIKANTABERRI

TTIKI TTIKITIK TTIKI

XALBADORREN HERIOTZEAN XALBADORREN

XORIERI XORIERI

ZAZPIAK OIHAL BATETIK ZAZPIAK

Nire aberria lurra bezain zaharra da,  
baina ez da lurra bakarrik;  
haizeak bezala inguratzen nau eta  
lotzen, askatzen nauelarik.

Nire aberria suaren antzekoa da,  
beti bera, berria beti,  
epeltzen nau kanpoan hotz dagoenean,  
ta erretzen ere badaki.

Aberriaren mugak, euskararenak,  
gure baitan daude gehienak;  
euskara zabalduaz lau haizeetara  
zabalago egiten gara.

Nire aberria harrizko herria da,  
hitzezkoa eta hitzekoa,  
altzairuzko txakolin, ardo zurezkoa  
eta hondar anonimoa.

Nire aberria burdin bihurria da,  
oroimenean arindua;  
itsas laminen baten herdoilezko kantu,  
etorkizunez fosildua.

Aberriaren mugak, euskararenak,  
gure baitan daude gehienak;  
euskara zabalduaz lau haizeetara  
zabalago egiten gara.

FINI



Agure zahar batek zion bere etxe aurrean  
goizean goiz lantokira irteten nintzanean :  
Ez al dek, gazte, ikusten gure hesola zein dan?  
Desegiten ez badugu, bertan galduko gera.

Baina guztiok batera saiatu hura botatzera,  
usteltzen hasia dago-ta, laister eroriko da.

Hik bultza gogor hortikan,

ta bultza nik hemendikan,

ikusiko dek nola, nola, laister eroriko dan.

Baina denbora badoa, nekea zaigu hasi,  
eskuak zartatu zaizkit eta indarrak utzi.  
Usteltzen badago ere, karga badu oraindik,  
berriz arnasa hartzeko esaigun elkarrekin:

Baina guztiok batera saiatu hura botatzera,  
usteltzen hasia dago-ta, laister eroriko da.

Hik bultza gogor hortikan,

ta bultza nik hemendikan,

ikusiko dek nola, nola, laister eroriko dan.

Agure zaharra falta da gure etxe ondotik,  
haize txar batek hartu ta eramana du hemendik.  
Haur batzuk ikusten ditut eta, inguraturik,  
aitona zaharraren kanta nahi diet erakutsi:

Baina guztiok batera saiatu hura botatzera,  
usteltzen hasia dago-ta, laister eroriko da.

Hik bultza gogor hortikan,

ta bultza nik hemendikan,

ikusiko dek nola, nola, laister eroriko dan.

FINI

Aita-semeak tabernan daude,  
ama-alabak jokoan. (2)

Berriz ikusi beharko dugu  
behi gizena auzoan,  
berriro ere ez da faltako  
trapu zaharrik kakoan.

Aita-semeak tabernan daude,  
ama-alabak jokoan. (2)

Eta lapurrek ohostu dute  
guk gendukana etxean,  
eta gu gaude erdi biluzik  
beti inoren menpean.



Aita-semeak tabernan daude,  
ama-alabak jokoan. (2)

Geurea dugu erru guztia,  
geurea dugu osoan,  
ez inori, ba, errua bota  
Euskal Herria hiltzean.

Aita-semeak tabernan daude,  
ama-alabak jokoan. (2)

Baina gaztea naiz eta daukat  
etorkizuna eskuan,  
ez zaigu hilko Euskal Herria  
ni bizi naizen artean.

Aita-semeak tabernan daude,  
ama-alabak jokoan. (2)

FINI

Aldapeko sagarraren  
adarraren puntan  
puntaren puntan  
txoria zegoen kantari.

Xiru-liruli, xiru-liruli,  
nork dantzatuko ote du  
soinutxo hori ?

Sua amaitzean  
hautsaren epelean  
ilunaren arnasa  
entzun ixilean

x3 FINI

# Arren ez bedi galdu euskera

Gure Euskera eder maitea  
galtzen gaur degu ikusten,  
euskaldun onak harritzeko da  
nola ez diran lotsatzen !  
Larramendi-rik, Astarloa-rik  
ez da gehiago aipatzen...  
Ez da hutsegin haundiagorik  
ondo badegu pentsatzen.

Galdu dirade ohitura onak,  
galdua degu Euskera...  
hola bagaude ehun urte barru  
galdu da gure izena !  
Erro, Aizkibel ziran bezala  
erakusterik gaur ez da.  
Gure Euskera... ai! galtzen bada  
gu... euskaldunak ez gera !

Nola isildu eta barkatu ?  
Etorkizunen kondairak  
arrazoiakin esango digu :  
nun dira zuen ohiturak ?  
Damu dute bai... gaur euskaldunak  
lotsa pixka bat dutenak,  
aspaldi esan duten bezela  
gizonik jakintsuenak.



Dala Parisen eta Londresen  
jakintsu asko badira;  
euskerazko liburu zaharren  
ondoren ibiltzen dira...  
Or da Luziano, printze ernaia,  
orain guretar deguna,  
euskerazale bikain bikaina,  
jakintsuetan haundi dena.

Arren, ez bada galdu euskera,  
nere anaia maiteak !  
Galtzen badegu... galduak gera  
gu eta gure semeak.  
Beti euskaraz hitz egin, bada,  
oro zahar (e)ta gazteak,  
esan ez dedin denok gerala  
euskaldun bihotzgabeak. **FINI**

## BAGARE

Araban bagare,  
Gipuzkun bagera  
Ziberun bagire

ta Bizkaian bagara (bis),  
baita ere Lapurdi ta Nafarran.

Guztiok gara euskaldun,  
guztiok anaiak gara  
nahiz eta hitz ezberdinez,  
bat bera dugu hizkera. (bis)

Araban bagare,  
Gipuzkun bagera  
Ziberun bagire  
ta Bizkaian bagara (bis),  
baita ere Lapurdi ta Nafarran.

Herri bat dugu osatzen  
eta gure zabarkeriz  
ez daigun utzi  
hondatzen.

Bagare, bagera,  
bagire, bagara,  
euskera azkartzeko  
oraintxe dugu aukera.

Bagare, bagera,  
bagire, bagara  
Euskadi askatzeko  
oraintxe dugu aukera.



Arabian bagare,  
Gipuzkun bagera  
Ziberun bagire  
ta Bizkaian bagara (bis),  
baita ere Lapurdi ta Nafarran.

FINI

# BAKE MINA

(Hitzak: Peio Ospital)

(Musika: Irlandar herrikoia)

Gizadiak maite-mina,  
Izadiak arreta-mina,  
Etorkinak herri-mina,  
Herri umek bake-mina.

Laborari ta langile,  
Sinestedun ta bilatzaile,  
Bidez-bide, kalez-kale,  
Izan gaiten bakegile.

Zatiketak etsipena,  
Elkarketak itxaropena,  
Gorrotoak pairamena,  
Barkamenak askapena.

Solasbide, elkarbide,  
Maitabide ta askabide,  
Zuzenbide, bakebide,  
Oro dire zorionbide.

FINI

## BALE IHIZI

Ni itsas xoria banintz,  
iparreko izotz lurretarat  
joan nintaike hegaldaka  
bale itsu gizenen ondotik.

Itsasoa harro dago,  
haizea oro txarrean,  
eta gu ezin kontsola,  
etxe goxoa gogoan harturik.

Zoin asto izan behar den  
Hala guziz miserian bizi  
Untzirat iragaiteko  
Bale bakantiaren hiltzaile  
Sos poxika batengatik  
Zonbat arriskurik ez den  
Ur untzia uzkailirik  
Buztan hasarretuak leherturik

Lana gustokoa zaio  
arrantzale gai den gazteari,  
bainan ikaretan dago  
bale basa hurbiltzen denean.  
Lot lanari, erna gaiten,  
dio kapitaina jaunak.  
Marinela eri dago  
gorputz arimak errotik daldaran.



Borroka hasten denean  
uhain zoroak jauzian gora.

Aberea zaurituta  
odol basa zurrutan dario.

Oligo hexur partea,  
sos guttirekin saritzat.

Moltsa arin itzultzen da  
gaztea Ziburuko tabernarat. FINI

## BARATZE BAT

Hau da egün ederra,  
mila xori(e)k kanta  
ziauri en'erregina  
besuak zuri dititzüt para.

Baratze bat nahi deizüt egin  
amets segretüenekilan  
liliak egün jauntsi ederrenetan  
mila kolorez dantzan bihotzetan.

Gaü beltz ta sakonetik  
elkitzen nüzü hoztürik  
bihotza hain tristerik  
zütaz hainen berantetsitürik.

Baratze bat nahi deizüt egin  
amets segretüenekilan  
liliak egün jauntsi ederrenetan  
mila kolorez dantzan bihotzetan.

Karroosa bat hor dügü  
kanpuan gure haidürü  
ez gal haboro denbora  
hiskor beitago amodiua.

Baratze bat nahi deizüt egin  
amets segretüenekilan  
liliak egün jauntsi ederrenetan  
mila kolorez dantzan bihotzetan.

Maitarzün berriari  
ilargiak dü argi  
emanen deikü aski  
gük alkar maita dezagün beti.



Baratze bat nahi deizüt egin  
amets segretüenekilan  
liliak egün jauntsi ederrenetan  
mila kolorez dantzaz bihotzetan.

FINI

Haize hegoak hurbiltzen ditu  
mendi urdinak bixtara  
Amodioak bihotz kartsuak  
biltzen tu elgarretara  
Uztaritzeko zeru pollitan  
xori airosak badira  
Bi urtxo ergel nahi ditugu  
hemen lumatu gostura

Haitzondo baten itzal freskoa  
zer lekua pausatzeko  
Aitamen eta bertzen ixilik  
elgarrez agradatzeko  
Kapito Harrin biltzar ederrak  
egin dira lehenago  
Hain amultsurik ez da sekulan  
itzal hortan ikusiko

Urtxo urdinak urtxo beltxari  
muxu eta amodio

Beltxak ordainez urdinoari  
halabiz erraiten dio

Bainan auzotik hustu on batek  
berexten ditu adio

Adio eta biak nigarrez  
ihes doatzi aiaio !

Neska zirtzila desohorea  
ekarri duzu etxera  
Huna bi talo eta zoazi  
afaldu gabe ohera  
Amaren hitzak karrikan gaindi  
jin zaizkigu beharrira  
Mari mutiko arin horiek  
hola hoztu behar dira

Manexi aldiz aitak diozka  
galtzak berotu handizki  
Mizpira salda zer tisana den  
gizagaixoak badaki  
Xito ausarta hago kaiolan  
lumatu arte zuhurki  
Aitak bazakik kaiola hori  
noiz behar dauian ideki

Euskal Herriko jende leialak  
egin beza pentsamendu,  
Gure omena behar dugula  
gora eta garbi zaindu.  
Aiten errana segi dezagun  
zahar-gaztek ponduz pondu  
Amodioak, ez goiz ez berant,  
bere sasoina behar du. FINI

Sèi un país e ua flor

(E ua flor, e ua flor)

Que l'aperam la de l'amor

(La de l'amor, la de l'amor)



Haut Peiròt, vam caminar,

vam caminar

De cap tà l'immortèla

Haut Peiròt, vam caminar,

vam caminar

Lo país vam cercar

Au som deu malh,

que ia ua lutz

(Que ia ua lutz, que ia ua lutz)

Qu'i cau guardar

los uelhs dessus

(Los uelhs dessus, los uelhs dessus)

Haut Peiròt, vam caminar,

vam caminar

De cap tà l'immortèla

Haut Peiròt, vam caminar,

vam caminar

Lo país vam cercar

Que'ns cau traucar

tot lo segàs

(Tot lo segàs, tot lo segàs)

Tà ns'arrapar,

sonque las mans

(Sonque las mans, sonque las mans)

Haut Peiròt, vam caminar,

vam caminar

De cap tà l'immortèla

Haut Peiròt, vam caminar,

vam caminar

Lo país vam cercar

Lhèu veiram pas

jamei la fin

(Jamei la fin, jamei la fin)

La libertat

qu'ei lo camin

(Qu'ei lo camin, qu'ei lo camin)

Haut Peiròt, vam caminar,

vam caminar

De cap tà l'immortèla

Haut Peiròt, vam caminar,

vam caminar

Lo país vam cercar

Après lo malh,  
un aute malh  
(Un aute malh, un aute malh)  
Après la lutz,  
ua auta lutz  
(Ua auta lutz, ua auta lutz)



Refrain lentement puis accéléré 6 fois

Haut Peiròt, vam caminar, vam caminar

De cap tà l'immortèla

Haut Peiròt, vam caminar, vam caminar

Lo país vam cercar

FINI

1 Udazkenean mendiak  
urtxoen eho tokiak  
sare'ta ihizlariak  
alde guzitan gordeak  
berdin ditugu etsaiak  
gordagian jarriak  
gure seme ta alaben...  
oi ebasleak

Eki eder sutan bero  
euskaldun bihotzak oro  
gudukari diten gero  
bilaka gau egunero (bis)

2 Su pindarraren indarrak  
duelarik sortzen su garra  
preso ezarri gatura  
nola den amorratua  
berdin dira euskaldunak  
gizonik hoberenak  
baina agertzen zimizta...  
ziztatu eta.

Eki eder sutan bero  
euskaldun bihotzak oro  
gudukari diten gero  
bilaka gau egunero (bis)

3 Bururatu da guretzat  
ilusionen denbora  
jaun haundi bat Parisetik  
jinen zela salbatzera  
nunbaiteko zeruetan  
balin bada jainkorik  
guk ez dugu sinetsiko...  
nagusi denik

Eki eder sutan bero  
euskaldun bihotzak oro  
gudukari diten gero  
bilaka gau egunero (bis)

4 Gizon enganatzailea,  
itxuraz baita zintzoa,  
aberatsekin dabila,  
ederra dauka mintzoa;  
harek du deliberatzen  
gure ongia zer den;  
guk azala, harek mami  
daukula jaten



Eki eder sutan bero  
euskaldun bihotzak oro  
gudukari diten gero  
bilaka gau egunero (bis)

FINI

## EPERRA

Eperrak baditizü bere bi hegalak  
bai eta bürün gainin kokarda eijer bat  
zük ere balinbazünü gaztetarzün eijer bat  
neskatilen gogatzeko bilo holli pollit bat.

Amorosak behar lüke izan lotsa gabe  
giaz ebiltia ez üken herabe  
egünaz ebiltia desohore leike  
txoriak ere oro haier soz dirade.

Ebili izan nüzü gaiaz eta beti  
eia atzamanen nianez lili eijer hori.  
Azkenian atzaman düt oi bena tristeki  
lumarik eijerrena beitzaiio erori.

Mündian ez da nihur penarik gabe bizi  
Nik ere badit aski hoitan segurki  
Nik desiratzen nizün ezkuntzia zurekin  
Bena ene aitak eztü entzün nahi hori

Zure aitak zer lüke eni erraiteko  
Ala enitzaio aski haren ofizioko  
Ala zü soberaxe zitzaio enetako  
Printzerik ez ahal da orai zuenganako

FINI

Arrosako zolan kantu zirimolan,  
nahiz eta telebistan ez gaituzten modan,  
euskararen garra, lokarri azkarra,  
gau ilun honetako gure artizarra

zazpiehun langilez, sutsu ta ekilez,  
oraina ta geroa ez ditaizke berez,  
kontzertu honen bidez, musika ez tiez,  
euskal izen ta izana, betikotz bat bitez



Koka ta hanburgesa, euskaldun baldresa  
gustua galtzea ere zer dugun errexa  
Kendu nahi digute bihotz ta bertute,  
izaki klonikoak egin nahi gaituzte

jo dezagun bada, goraki aldaba  
multinazional hoién herria ez gara,  
bretoi ta korsikar, kanak ta okzitandar  
nor bedera izaiteko har dezagun indar!

Munduko herrien ta irrati librean  
bilgune goxoa guk dugu urtero hemen  
uhainen ildoan, asmoak geroan,  
elkarren ezagutza daukagu gogoan

munduko erronkak, herrien borroka,  
bildu gara hausteko zapalkuntzen sokak,  
dantza ta irria, kantuz ilargia,  
gau hontan zoriontsu da Euskal Herria.

FINI

Euskal Herrian euskaraz  
nahi dugu hitz eta jolas,  
lan eta bizi euskaraz eta  
hortara goaz,  
bada garaia noizbait dezagun  
guda hori gal edo irabaz.

Zabal bideak eta aireak  
gure hizkuntzak har dezan arnas,  
bada garaia noizbait dezagun  
guda hori gal edo irabaz.

X2

Euskal Herrian euskaraz  
hitz egiterik ez bada,  
bota dezagun demokrazia  
zerri-askara  
geure arima hiltzen uzteko  
bezain odol galduak ez gara.

Hizkuntza gabe esaidazue  
nola irtengo naizen plazara,  
geure arima hiltzen uzteko  
bezain odol galduak ez gara.

X2



Euskal herri euskalduna  
irabazteko eguna,  
pazientzia erre aurretik  
behar duguna;  
ez al dakizu euskara dela  
euskaldun egiten gaituena ?

Zer Euskal Herri litzake bere  
hizkuntza ere galtzen duena ?

Ez al dakizu euskara dela  
euskaldun egiten gaituena ?

X2

FINI

Gogoaren baitan :

Erabaki nuen, tinko ta fermuki,  
Ez zitzaidala gertatuko,  
Maitasun saretan ez nintzela berriz  
Uste gabeen eroriko.

Bi begi izpitsu, irripar ezti bat  
Izan dira nere galtzaile,  
Geroztik hor nabil arantzetan dantzan,  
Ezinezko amets sortzaile.

Zu hor zaude, dantzan, jauzitan,  
Zer debru bada pasatzen zait gogoaren baitan  
(bis)

Urrezko txanpon bat eman gogo nuke  
Sorgin bat bilaka banedi,  
Ezina egikor aldatzeko aina  
Gezurra bihurtzeko egi.

Zer den ona edo zer ote den txarra  
Jakin beharko nukelarik  
Sumendi gainean erretzen ari naiz  
Ba al dago irtenbiderik ?

Zu hor zaude, dantzan, jauzitan,  
Zer debru bada pasatzen zait gogoaren baitan  
(bis).

Geroak zer dakar, ez dut pentsatu nahi,

Uneak nahi ditut bizi.

Lau egun dira ta bi omen lañotsu

Galtzera ez ditut nahi utzi.

Hitzaren jokoan, itxura emanaz,  
Gorde nahiko nuke dena.  
Biluzia nauzu izan zarelako,  
Egoera hunen sormena.



Zu hor zaude, dantzan, jauzitan,  
Zer debru bada pasatzen zait gogoaren  
baitan.(bis)

Pasatzen zait gogoarenbaitan (bis)

FINI

Goizean, goiz jeikirik,  
argia gaberik,  
urera joan ninduzun,  
pegarra harturik.  
Lai lara larai

Jaun xapeldun gazte bat  
jin zautan ondotik,  
heia nahi nuenez  
urera lagunik.  
Lai lara larai

Nik ez nuela nahi  
urera lagunik,  
aita beha zagola  
salako leihotik...  
Lai lara larai

Aita beha zagola,  
ezetz errangatik,  
pegarra joan zerautan,  
besotik harturik.  
Lai lara larai

Urera ginenian,  
biak buruz buru  
galdegin zautan ere  
"zonbat urte tutzu?".  
Lai lara larai

Hamasei... hamazazpi,  
orain'ez konplitu:  
zurekin ezkontzeko  
gaztexegi nuzu.  
Lai lara larai

Etxerat itzultzeko,  
nik dutan beldurra,  
ez jakin nola pentsa  
amari gezurra !  
Lai lara larai



Neskatxa, nahi duzu,  
nik erakuts zuri,  
etxerat etortzean  
zer erran amari ?  
Lai lara larai

Urtxo xuri pollit bat,  
gauaz dabilana,  
hark ura zikindurik  
egotu naiz, ama.  
Lai lara larai

Dakigunaz geroztik  
zer erran amari,  
dugun pegarra pausa,  
gaitezen liberti  
Gaitezen liberti

FINI

GORA TA GORA BETI

Gora ta gora beti, haik gora Lapurdi

Euskerak bizi gaitu eta bizi bedi.

Gorantza doa agudo kapitala

eta Lapurdi beti dago apala,

aldrebesturik dago mundu zitala,

konformatzen ez bagara

ze pekatu mortala

**Gora ta gora beti, haik gora Lapurdi  
Euskerak bizi gaitu eta bizi bedi.**

Gurea ez da bizi-modu normala  
lurra lantzeko aitzurra eta pala,  
lanaren truke kobratzen erreala.

Benetan da miserable  
euskaldunon jornala.

**Gora ta gora beti, haik gora Lapurdi  
Euskerak bizi gaitu eta bizi bedi.**

Munduan ezin bizi daiteke hala,  
merkatuetan dena gora doala,  
etxera eta zopa guztiz argala,  
kriseiluen oiloa  
ez da postre formala.

**Gora ta gora beti, haik gora Lapurdi  
Euskerak bizi gaitu eta bizi bedi.**

Obrero eta nekazari leiala,  
zuena ez da errenta liberala.  
Diru zikinak putre motzak bezala  
botatzen dizu gainera  
hortxe bere itzala.

**Gora ta gora beti, haik gora Lapurdi  
Euskerak bizi gaitu eta bizi bedi.**

Jabeek dute kontzientzi zabala,  
kakaztu dute gure lurren azala,  
baina Lapurdi ez da hain zerbitzala;

Burruka garbian dago  
hori da printzipala.



Gora ta gora beti, haik gora Lapurdi  
Euskerak bizi gaitu eta bizi bedi.

FINI

1. Hemeretzi mende ta erdi du jadanik,  
Jesu Kristo lurretik, zerurat iganik,  
Bertsu berriak aurten, kantatzen ditut nik,  
Euskal Herri maiteak, gogorat emanik.

2. Aspaldian gogoan, bainuen desira,  
Larrun mendi gainea, aurten izan gira,  
Xoraturikan egon handikan begira,  
Euskal Herrian toki ederrak baitira.

3. Ageri da Nabarra eta Gipuzkoa,  
Handik landa Lapurdi paregabekoa,  
Gero Baxenabarre eta Xiberoa,  
Urrunak gordetzen du gaineratikoa.

4. Itsasoan xalupak dabilta arraintzan,  
Ainitz gizon lurrean ari laborantzan,  
Mendietan ere gau egun artzaintzan,  
Horra Euskal Herrian zer gisaz gabiltzan.

5. *Grazia eske nago Ama Birjinari,  
Jar zaitte zerutikan ororen gidari,  
Emaguzu bakea mundu guziari,  
Zabal zazu fedea Euskal Herriari.*

6. Bertsu hauk eman ditut Lapurdi maitian,  
Larrun mendi gainian hotelño batian,  
Berriz etorriko naiz lagunen artian,  
Jainkoak plazer badu heldu den urtian.

FINI

Iduzki denean, zoin den eder itzala  
Maitia, mintzo zira, plazer duzun bezala  
egiten duzula mila disimula, inorant zirela  
erraiten duzula bertzetaik naizela,  
faltsuki mintzo zira.



Zazpi urtez beti jarraiki zait ondotik,  
erraiten zaundala, ez dut bertze maiterik  
hitzer fidaturik nago tronpaturik,  
gaixoa tristerik; ez dut eiten lorik,  
ez jan-edan onik, maitia zuregatik.

Oi ! ene maitia, nik ere zuregatik,  
pasatzen dizut nik zonbeit sabeleko min,  
ezkonduz zurekin, samur ait'amekin  
behar nindeite jin, ez dakit zer egin,  
ez eta nola jin, nik neure etxekoekin.

Oi ! ene maitia, nun duzu izpirituia,  
fediaren jabe aita deraukazuia ?  
Atxikazu fedia, maita bertutia,  
libra kontzientzia, munduko bizia  
labur da, maitia, ez zaitela kanbia !

FINI

## IKUSTEN DUZU GOIZEAN

(Nere etxea edo laboraria)

Ikusten duzu goizean,  
argia hasten denean,  
menditto baten gainean :  
etxe ttipitto aintzin xuri bat  
lau haitzondoren erdian,  
xakur xuri bat atean,  
iturriño bat aldean,  
han bizi naiz ni bakean.

Nahiz ez den gaztelua  
maite dut nik sorlekua,  
aiten aitek hautatua.  
Etxetik kanpo zait iduritzen  
nonbeit naizela galdua  
nola han bainaiz sortua,  
han utziko dut mundua,  
galtzen ez badut zentzua.

Etxean ditut nereak,  
akilo, aitzur, goldeak,  
uztarri eta hedeak.

Jazko bihiez ditut oraino,  
Zoko guziak beteak.

Nola iragan urteak  
emaiten badu bertzeak,  
ez gaitu hilen goseak.

Landako hirur behiak,  
Esnez hanpatu ditiak,  
Ahatxe eta ergiak,  
Bi idi handi, kopeta zuri,  
Bizkar beltz, adar handiak,  
Zikiro, bildots guriak,  
Ahuntzak eta ardiak,  
Nereak dire guziak.

Ez da munduan gizonik,  
Erregerik, ez printzerik,  
Ni bezain urosa denik ;  
Badut andrea, badut semea,  
Badut alaba ere nik ;  
Osasun ona batetik,  
Ontasun aski bertzetik ;  
Zer behar dut gehiago nik ?



Goizean hasiz lanean,  
Arratsa heldu denean,  
Nagusi naiz mahainean  
Giristino bat ona dut hartu  
Nik emaztea hartzean  
Ez du mehe egunean  
Sartuko uste gabean  
Xingar hezurrik eltzean.

Piarres nere semea  
Nahiz oraino gaztea  
Da mutiko bat ernea  
Goizean goizik bazken erdira  
Badarama artaldea  
Segituz ene bidea,  
Nola baitu egitea,  
Ez du galduko etxea.

Ene alaba Kattalin,  
Bere hameka urtekin,  
Ongi doha amarekin  
Begiak ditu, amak bezala,  
Zeru sola bezain urdin  
Uste dut denborarekin,  
Oraiko itxurarekin,  
Andre on bat dion egin.

Ez dugu behar lurrian,  
Ongi bizirik etxean,  
Utziz laguna gosean  
Ez du beharrak sekulan jotzen  
Gure etxeko atean,  
Nun ez duen mahainean,  
Otruntza ordu denean.  
Leku bat gure artean.

Ene andrea Maria,  
Ez da andre bat handia  
Bainan andre bat garbia  
Irri batentzat badut etxean  
Nik behar dudan guzia  
Gald'egiten dut grazia,  
Dudan bezala hasia,  
Akabatzeko bizia.

FINI

Lotuz aire zaharrari  
dugun kanta pertsu berri  
joseba elosegiri x3  
gizon miresgarriari

Ene haur eta ahaide  
baita euskaldun haurride  
zonbait zaituztedan maite x3  
nehoiz nehork ez dakite

Adios mendi ederrak  
oihan ta itsas bazterrak  
adios Donostiarrak x3  
jauntziren ditut su-garrak



Arras triste da bizia  
askatasunik gabia  
herriarentzat hiltzia x3  
nuen nik neure lehia

Donostiko medikiak  
erien sendatzailiak  
utz otoi ene zauriak x3  
dagoden oroitgarriak

ni hiltzen baniz huntarik  
ez otoi egin nigarrik  
ez baitut nigar beharrik x3  
ez baitut jarraikilerik

FINI

## Konpostelako bidean

Konpostelan egon nintzen

Lehengo udan erromes

Noizbait iritsiko nintzen

Joan izan banintz oinez

Arribatu nintzeneko  
zain neukan Maruxiña  
A zer serora pareta  
Bera 'ta lehengusina !

Lagun biak hasi ziren  
Gora Euskadi oihuka  
Ni Biba Galizia Ceibe  
Malkoak ezin xuka

Matxinada zabaldu zen  
Tabernarik taberna  
Fraga eta bere fragatak  
Beldurtzeko galerna !

Santuari ez nion nik  
Ez kaixo ez adio:  
Compostelaraino gabe  
Astiarran Santio !



Nahiz gaita jotzen ez jakin  
Sentitzen naiz gallego  
Herritasuna noiz behinka  
Aldatzerik balego !

FINI

# Larrosa kolorez jantzia

Beti dezu irria zure ezpainetan

Agertu zure xarma fina

Polita arina besarkatzean

Makurtu zure aurpegi ederra

Lotsati xamarra muxu ematean

Eskaintzen didazu batera

Biok jolastea nik abestean

Larrosa kolorez jantzia

Larrosa kolorez jantzia

Zu zera neretzat bizia

Zu zera argia zeru urdinean

Larrosa kolorez jantzia

Larrosa kolorez jantzia

Zu zera nere beste erdia

Hauxe da egia geure artean

Zure begi eder ilunak  
Dira gaur hiztunak kantu honetan  
Na'i ditut preso eramateko  
Neureak izateko nik bihotzean  
Sakonki maite zaitut neska  
Aldatzerik ez da inolaz ere  
Eskaintzen dizudan muxua  
Besarka(da) estuak zuretzat dire

Larrosa kolorez jantzia

Larrosa kolorez jantzia

Zu zera neretzat bizia

Zu zera argia zeru urdinean

Larrosa kolorez jantzia

Larrosa kolorez jantzia

Zu zera nere best' erdia

Hauxe da egia geure artean

Larrosa kolorez jantzia

Larrosa kolorez jantzia

Zu zera neretzat bizia

Zu zera argia zer' urdinean

Larrosa kolorez jantzia

Larrosa kolorez jantzia

Zu zera nere best' erdia

Hauxe da egia geure artean FINI

LAU TEILATU

1

Hemen gaude  
ta poztutzen naiz  
ta ziur zure aita ere bai  
ta zer ondo... zelan dijua  
zure bufanda txuria.

Lau teilatut gainian ilargia erdian eta zu  
goruntz begira,  
zure keia eskuetan putzara batekin... putz !  
Neregana etorriko da  
ta berriz izango gara  
zoriontsu  
edozein herriko jaixetan.



Goxo-goxo kanta eginazu  
Benitoren Maria Solt.  
Negarrik ez,  
txuri zaude ta malkoak  
zure kolorea kentzen dute.

Lau teilatatu gainian ilargia erdian eta zu  
goruntz begira,  
zure keia eskuetan putzara batekin... putz !  
Neregana etorriko da  
ta berriz izango gara  
zoriontsu  
edozein herriko jaixetan.

Felix, felix bihar  
berriz egongo gara  
txanpain apur batekin  
diru gabe baina  
izarrak gurekin daude,  
piano baten soinuaz.

Lau teilatatu gainian ilargia erdian eta zu  
goruntz begira,  
zure keia eskuetan putzara batekin... putz !  
Neregana etorriko da  
ta berriz izango gara  
zoriontsu  
edozein herriko jaixetan. FINI

## LILI BAT IKUSI DUT

Lili bat ikusi dut baratze batean,  
Desiratzen bainuke nere sahetsean ;  
Lorea ez du galtzen , udan ez neguan,  
Haren parerik ez da bertze bat munduan !

Deliberatu nuen gau batez joaitea  
Lili arraro haren eskura hartzera ;  
Ez bainuen pentsatzen beiratzen zutela !  
Gau hartan uste nuen , han galtzen nintzela.

Etsenplu bat nahi dut eman guziera,  
Eta partikulazki jende gazteari:  
Gauaz ibiltzen dena ez da zuhur ari ;  
Ni begiraturen naiz, eskerrak Jaunari !

FINI

Mendian larrartean  
aurkitzen da loretxo bat  
aurrean umetxo bat  
loretxoari begira.



Loreak esan nahi dio  
umetxo aska nazazu,  
jaio naiz libre izateko  
ta ez loturik egoteko.

Umetxoak ikusirik  
lorea ezin bizirik  
arantzak kendu nahi dizkio  
bizi berri bat eman,  
orduan izango baitu  
indarra eta kemena  
orduan emango baitu  
ugari bere fruitua.(X2)

Mendian larrartean  
aurkitzen da loretxo bat  
aurrean umetxo bat  
loretxoari begira.

Loreak esan nahi dio  
umetxo aska nazazu,  
jaio naiz libre izateko  
ta ez loturik egoteko.

Umetxoak ikusirik  
lorea ezin bizirik  
arantzak kendu nahi dizkio  
bizi berri bat eman,  
orduan izango baitu  
indarra eta kemena  
orduan emango baitu  
ugari bere fruitua. (X2) FINI

Koloretako ametsak  
esna nagoenean  
eta ezin loak hartu  
gaua iristen denean.  
Saltoka hasita hegan  
egiteko gogoa,  
nire bihotza taupaka  
aire ertzera doa.

Elkarrekin hankaz gora  
buruz behera jartzean,  
tunelean sartu eta  
irrintzika hastean,  
bitxiloreekin pultsera  
egin dizudanean,  
begietara begira  
hauxe nahi dizut esan:

**Maite zaitut,  
maite- maite zaitut;  
pila, pila, pila patata tortilla!  
Maite zaitut. Maite-maite zaitut,  
ilargiraino\_eta buelta maite zaitut**



Begietako dirdira,  
irribarrea ahoan,  
ezin ditut ezkutatu  
zu ikusterakoan;  
hanka eta eskuetan,  
gorputzean, dardara;  
nire bihotza taupaka  
aire ertzera doa.

Elkarrekin ortzadarra  
margotu dugunean,  
ispiluan nire izena  
idatzi duzunean,  
irratia piztu eta  
doinu hau entzutean,  
begietara begira  
haxe nahi dizut esan:

**Maite zaitut,  
maite- maite zaitut;  
pila, pila, pila patata tortilla!  
Maite zaitut. Maite-maite zaitut,  
ilargiraino\_eta buelta maite zaitut**

**FINI**

Maitiak galdegin zautan  
pollit nintzanez  
pollit, pollit nintzela baina,  
larrua beltz, larrua beltz.

Maitiak galdegin zautan  
premu nintzanez  
premu, premu nintzela baina,  
etxerik ez, etxerik ez.

Maitiak galdegin zautan  
moltsa banuenez,  
moltsa, moltsa banuela baina,  
dirurik ez, dirurik ez.

Maitiak galdegin zautan  
lanean nakienez  
lanean, lanean nakiela baina,  
gogorik ez, gogorik ez.

Gaixoa hil behar dugu  
gu biek gosez  
gosez, gosez ez naski bainan,  
elkar maitez, elkar maitez!

FINI



Nevadako mendietan zazpi urte pasaturik  
Sor lekura etorri naiz xede frango han harturik  
Behar dut garazin bildu espos lagun hartu eta  
Agur agur Donibane agur ene sor lekua

Aingeru bat ikusi dut Donianeko merkatuan

Gaxuxa bezen pollittik ez da bertze bat  
munduan

Egun batez erran nion esperantza bihotzean

Elgarrekin ezkont gaiten uros izaiteko munduan

Arrapostua eman zautan leihotik  
Gaixo Battitta zoazi laster hemendik  
Gaztexgo nuzu zurekin ezkontzeko  
Bainan maitia ez zaitut ahantziko

Gaxuxa maitia esker mila  
Banoa bihotza alegera  
Ohantze ttiki bat egin eta  
Etorriko nauzu zure bila

Lai lai la la FINI

Nevadarat joan nintzan  
dirurikan gabe,  
handik itzultzekotan, maitia  
bost miliunen jabe

Ai, ai, ai, ai, ai!  
amentsaren lana,  
ait'amen erranetarik barna  
ibili bagina...

Urteak joan ziren  
on ta txar nahaste,  
gure fortuna heiekin  
eta denak berriz haste

Ai, ai, ai, ai, ai !...  
amentsaren lana,  
ait' amen erranetarik barna  
ibili bagina...



Begiak zorrotz eta  
memorioa argi,  
ez den, ez den tokian, maitia  
aztaparrak garbi

Ai, ai, ai, ai, ai !...  
amentsaren lana,  
ait' amen erranetarik barna  
ibili bagina...

Moltsa arin dut bairan  
aberats gogoa,  
nere fortuna zare, maitia  
nere sosegua

Ai, ai, ai, ai, ai !...  
amentsaren lana,  
ait' amen erranetarik barna  
ibili bagina...

FINI

## NON GERATZEN DEN DENBORA

Mikel Urdangarin

Gure baitango lurraldeetan  
non geratzen den denbora  
non ez dagoen arnas biderik  
non ez goazen inora  
non oihukatzen hurbiltzen garen  
erraldoiaren ondora  
igo nazazu nire mendira  
zure gailurretik gora.

Egunez zu bizitzera  
arimak zenbatzera  
lotan nabigatzera  
elur gazietan.

Igo nazazu nire mendira  
aurki dezadan bidea  
askatu nadin zure loturaz  
behar dezadan airea  
ez nadin izan jainko lurtiarra  
bai ezinen bidaidea  
igo nazazu nire mendira  
zu ez baitzara nirea.

Egunez zu bizitzera  
azken mugen ertzer  
lainoen agurtzera  
elur gazietan. FINI



OI GU HEMEN

Oi gu hemen  
bidean galduak (X3)  
heriotz minez.

Gizonen itzala luzea  
negarrez, haizea gauean  
arbolak, erroak airean  
heriotza da.

Oi gu hemen  
bidean galduak (X3)  
heriotz minez.

Pobreak kalean bilutsik  
barnea esperantzik gabe  
doinua, basoko tristura  
ilunabarrez.

Oi gu hemen  
bidean galduak (X3)  
heriotz minez.

Nundikan ezinaren mina  
zergatik errekan iluna  
egurra, kolpeka landua  
bide hustuak.

Oi gu hemen  
bidean galduak (X3)  
heriotz minez.

FINI

## OI KANTA BERRI

Oi kanta berri ixilik nago  
orain duela aspaldi,  
zuretzat nuen kar bero hura  
suntsitu ez da dirudi.

Beste lanetan iragan ditut  
ainitz egun ta gaualdi,  
bainan oraino ez dut ukatu  
euskara ez ta Euskadi.



Oi kanta berri bihotzetikan  
ezpainera jalia,  
euskal airean bidaltzen zaitut,  
zu neure mezularia.  
Jenden artean izatu banaiz  
beresle samurlaria,  
izan zaitte zu ene partetik  
bakezale den xoria.

Oi kanta berri izan zaite zu  
anai arteko zubia  
batasunetik libertatera  
gidatzen duen bidea.  
Kartzelan den abertzaleari  
emozu doi bat argia  
etsiturikan den bihotzari  
esperantza ur bizia.

Oi kanta berri gure herriak  
behar du bide ta zubi,  
etxeetan ere baitezpadako  
argiarekin ur garbi.  
Horiek denak ez dire aski  
bizi dadien Euskadi,  
hainbat oraino beharko ditu  
kanta bat eta kanta bi.

FINI

1

Ttiki ttikitik aitak eta amak  
fraide ninduten asmatu  
bai eta ere Salamankara  
ixtudiante bidaldu ;  
Salamankara nindoalarik  
bidean nuen pentsatu  
ixtudiante tunante baino  
hobe nuela ezkondu.

2

Ostatu xume pollit batean  
gosez gelditu bainintzen  
neska xarmant bat ari zitzaidan  
mahainean zerbitzatzan ;  
begia kartsu, ezpaina lore,  
enekin aise mintzatzan,  
aingeru hori ordu berean  
ene bihotzian sartu zen.

### 3

Hitz erdi batez maite nuela  
erran nion beharrira,  
bainan gaixoa, herabetua,  
ihesi joan zen kanpora ;  
Ez ahal nuzu, izar ederra,  
kondenatzen ifernura,  
ez da sekulan ene gogotik  
histuko zure itxura.

4

Jainko maitiak egin banindu  
zeruetako giltzari,  
azken orenean jakingo nuke  
atea nori ideki :  
lehenik aitari, gero amari,  
gero anai-arreberi,  
azken orenean segetuan  
ene maite pollitari.

FINI

Adiskide bat bazen  
orotan bihotz bera,  
poesiaren hegoek  
sentimentuzko bertsoek  
antzaldatzen zutena.



Plazetako kantari  
bakardadez josia,  
hitzen lihoa iruten  
bere barnean irauten  
oinazez ikasia.. ikasia.

Nun hago, zer larretan  
Urepeleko artzaina,  
mendi hegaletan gora  
oroitzapen den gerora  
ihesetan joan hintzana.

Hesia urraturik  
libratu huen kanta,  
lotura guztietatik  
gorputzaren mugetatik  
aske senditu nahirik.

Azken hatsa huela  
bertsorik sakonena,  
inoiz esan ezin diren  
estalitako egien  
oihurik bortitzena.. bortitzena.

Nun hago, zer larretan  
Urepeleko artzaina,  
mendi hegaletan gora  
oroitzapen den gerora  
ihesetan joan hintzana.

FINI

## XORIERI MINTZO ZEN

**1 Xorieri mintzo zen,  
mintzo zen errekarri,  
oihaneko zuhaitzeri ta  
zeruko izarrerri,  
mintzo zen haizeari,  
xoro batentzat zaukaten.  
Xorieri mintzo zen,  
xoro batentzat zaukaten.**

2

Ez zakien irakurtzen  
gizonen liburutan,  
bainan ongi bazakien  
zeruko seinaletan  
zeruko seinaletan  
ta jendeen bihotzetan.

Xorieri mintzo zen,  
mintzo zen errekarri,  
oihaneko zuhaitzeri ta  
zeruko izarrerri,  
mintzo zen haizeari,  
xoro batentzat zaukaten.  
Xorieri mintzo zen,  
xoro batentzat zaukaten.



3

Haurrek zuten harriakutzen,  
zahar gaztek trufatzen,  
etxekoek berek ongi  
laneko baliatzen,  
laneko baliatzen  
eta gosez pagatzen.

Xorieri mintzo zen,  
mintzo zen errekarri,  
oihaneko zuhaitzeri ta  
zeruko izarrerri,  
mintzo zen haizeari,  
xoro batentzat zaukaten.  
Xorieri mintzo zen,  
xoro batentzat zaukaten.

4

Hil da xorua bakarrik,  
bakarrik da ehortzi.

Ez zen han kristau bat ere  
salbu lau hilketari,  
salbu lau hilketari  
ta apeza kantari.

Xorieri mintzo zen,  
mintzo zen errekarri,  
oihaneko zuhaitzeri ta  
zeruko izarrerri,  
mintzo zen haizeari,  
xoro batentzat zaukaten.  
Xorieri mintzo zen,  
xoro batentzat zaukaten.

5

Hil hobian ezartzean  
haizea zen gelditu,  
xoriak ziren ixildu,  
zerua zen goibeldu,  
zerua zen goibeldu  
ta jendea oroitu.

Xorieri mintzo zen,  
mintzo zen errekarri,  
oihaneko zuhaitzeri ta  
zeruko izarrerri,  
mintzo zen haizeari,  
xoro batentzat zaukaten.  
Xorieri mintzo zen,  
xoro batentzat zaukaten.

FINI

# Zazpiak oihak batetik

Mundu guztiak aditutzen du  
euskaldunaren negarra  
alde batera nahiago nuke ez banintz  
hemengotarra.

Enpeinatzea ez bada libre,  
alferrik dugu indarra,  
hau da txoriak gari tartean  
goseak egon beharra.

2

Antzerki hontan lau pertsonaia  
ta jokalaria bakarria  
arbolak berak erakusten du  
hostoa eta adarra.

Enpeinatzea ez bada libre  
alferrik dugu indarra,  
hau da txoriak gari tartean  
goseak egon beharra.



### 3

Sutan pizturik darrai oraindik  
sugai, berriz, lehengo gerra,  
oharkabeen ez zen mintzatu

Txirrita poeta zaharra.

Enpeinatzea ez bada libre  
alferrik dugu indarra,  
hau da txoriak gari tartean  
goseak egon beharra.

4

Zazpi ahizparen gai den oihala  
ebakirikan erditik,  
alde batera hiru soineko,  
utzirikan lau bestetik.  
Guraiziakin bereizi arren  
bakoitza bere aldetik,  
ezagutzen da jantzi direla  
zazpiak oihal batetik.

5

Oihal bera da gure jantzia  
sortu gintuzten unetik  
ez du munduak kemenik sortu  
kentzeko gure soinetik.  
Guraiziakin bereizi arren  
bakoitza bere aldetik,  
ezagutzen da jantzi direla  
zazpiak oihal batetik. FINI

